

զԴաւիթ Հալապցին, զԱստուածատուր Վանցին, ըզնիկողոս Թուրկուրանցին, որ վէքիլ ասացաւ Թուրմալին, զերեքեան վարդապետքս նախատանօք յեկեղեցեացն արտաքսեցին: Եւ սկսան ի խորհուրդ աւուրբք բազմօք սինհոգոսաւ ժողովաւ իւրեանց եթէ գնասցեն առ վէզիրն արզի գանկատի՝ Հկամենալոյ զԹուրմալին պատրիարքութիւն ի վերայ իւրեանց, կամ աքսորեսցեն և կամ սպանցեն: Եւ ընտրեալ արս Ը կարգաւոր և անկարգ՝ առաքեցին յէտրէնէ առ դրուս և յերդս¹⁾ բռնաւորաց անկանիլ. և նոքա գնացին, աստ և անդ շատ դիպեցան, բայց ոչ կարացին առ երեսս մեծ իշխանին ելանել, այլ ի փոքրագունից և ի նախարարաց նոցին գանեալք լինէին, և այլք ի փախուստ գառնային եւ զմիմեանս կորուսեալք, յետ Մայիսի ամսոյ Ժէ-էս երեւին ապա և մի մի:

Մայիսի Դ. փոխեաց վէզիրն զՔեօր Հասան փաշան և հրամայեաց զի նստցի զայմախամ Մէլէկ Ահմէտն, մինչև անտի առաքեսցէ զայլ ոմն:

Եւ ահալ եկն Մայիսի ԺԲ²⁾. յաւուր Դշի զայմախամ Սինան փաշա որ կայր յէտրէնէ՝ նստեալ մանգուլ ի պօստանճիպաշութենէ, եւ բազում ընչից տէր գոլով, զի հինաւուրբք էր. տեսեալ վէզիրին զայն՝ էառ բազում քսակս ի նմանէ եւ առաքեաց զայմախամութիւն (Բէրէ):

Իէ Մայիսի եկեալ պատրիարքն և եմուտ ի քաղաքս և մտեալ առ փաշան: Եւ երթան աթոռակալք և իշխանք առ փաշան թէ Չեմք կամիր զտիրութիւն գորա ի վերայ մեր՝ կրկին անգամ, մինչև զայրանալ փաշային, ի բաց հանէր զնոսա յերեսաց իւրոց: Եւ պատրիարքն երթայր ընդ պօստանճի խասէքոյն եւ

1) յերթս.

2) ԺԳ.